



### მმართველი შვებუღებაში

— თერთმეტ თვეს კარგად და არხეინად ისვენებდა ჩვენი მმართველი; სამაგიეროდ ახლა, ერთი თვით, აგარაკზე დიდი დატვირთვა მოულის—გაინძრევა, გამოინძრევა, ქონებს დაყრის, რომ ახალი ენერგიით შეუდგეს თავის კაბინეტში დასვენებას.

# რესურსი

ნახ. ა. კანდელაკისა



— ეს რა გამოვიდა: სწავლის ქირის უალბ ქვითარს რომ მივტანდი, მაშინ მაინც იჯერებდა მამაჩემი, რომ ვსწავლობ.

### მოკითხვით და ნახვის ნაყოფით

#### სამგორჰესმუხანის სამმართველოს

#### უფროსს გ. ვ. მისსს

მუდამ სასურველო და სანატრელო გრიგოლ!

ამ ცოტა ხნის წინ წნორის მტს-ის ტრაქტორებმა შენთან საყვედური დამბარეს. ალბათ იტყვი, სად მე—ელექტროსადგურების მშენებელი, და სად ტრაქტორები?! მაგრამ ნუ გაიკვირებ, ხომ გაგიგონია: მთა მთას არ შეხვდება და... ტრაქტორი კაცს—ყოველთვისო. მართალი ვითხრა, ბევრი კი ვეხვეწე და ვარწმუნე ტრაქტორები, გუთნები და კომბაინები, ვუხსნიდი, ერთი საწყალი კაცია ჩვენი გრიგოლი, ნუ უსაყვედურებთ, ამოდენა სამმართველო აბარია და თქვენამდე ხელი როგორ მოაწვდინოს-მეთქი, მაგრამ, შენც არ მომიკვდე, არაფერი გამივიდა. ჯიუტები ყოფილან ეს ტრაქტორები: აღუდღუნდნენ, აბუტბუტდნენ, ერთი ყოფა დამაწიეს, ჰოდა, იმ ხმაურსა და გნისაში რაღას გავაგონებდი! ერთს კი მოვკარი ყური: ძალიან ემდურებოდა სამუშაოთა მწარმოებელს ილია ტრიანდაფილოს, რომელიც შენ წნორში მიაგლინე და მტს-ის მშენებლობა ჩააბარე. ამ ტრიანდაფილოს არც კაცის ხათრი ჰქონია და არც გუთნისა. იათად, სწრაფად და კარგად რომ უნდა ვაშენოთ, ეს, ეტყობა, კი გაუგია, მაგრამ, რომ მარტო გაუგია და არ კი უგრძენია, იქიდან ჩანს, რომ მტს-ში აშენებული ობიექტების უმრავლესობა ან უკვე გასარემონტებელია, ან გადასაკეთებელი, ან დასამთავრებელი. ჰოდა, იათად როგორ ააშენებდა, ამას თვითონ მიხვდი.

ახლა, მე რომ ილიას ხასიათი ვიცი, შემედავება, ეს სიტყვებია, ფაქტი მიჩვენეო. მაშ მოდი მე, შენ და ილია ტრიანდაფილომ მტს-ი მოვიაროთ.

გაგონილი გექნება ანდაზა—„მტერს გარედან უბრმავეებს თვალს, მოყვარეს—შიგნიდანო“. სახელოსნოს რომ შეხედავ, იტყვი, რომ ეს სახელოსნო შიგნითაც და გარეთაც ერთნაირად მხოლოდ მოყვარეს აბრმავეებს. აბა რომელ მოყვარეს არ ეტკინება თვალი, როცა ნახავს, მიწაში გაქონილი წვიმის წყლისაგან როგორ დანესტიანებულა სახელოსნოს ოთხივე კედელი, მიწიდან ერთნახევარი მეტრის სიმაღლეზე, ალაგ-ალაგ როგორ ცვივა ბათქაში და კიბეც ინგრევა, სახურავიდანაც წყალი ჩამოდის და ოთხივე კედელი სველდება, ასე რომ მთლიანად სახელოსნო ერთ უცნაურ კუნძულსა ჰგავს, რომელსაც ზემოდან და ქვემოდან წყალი შესდგომია.

ახლა, თუ გნებავს, „კუნძულელებსაც“ ვეწვიოთ. აგერ ერთ-ერთი „კუნძულელი“, ხარატი გივი ჯიბლაშვილი; ატრი-ალეებს ჩარხს და, ალბათ, ამ მონოტონურმა გუგუშმა რომ არ

მოაწყინოს, დროდადრო კისერში წვიმის წყალი ესხმება. ერთ დღეს ისე დასველდა იატაკი, რომ ჩარხთან მდგომ ჯიბლაშვილს დენმა დაჰკრა და კარგა მალა შეახტუნა ალბათ ესეც „გასამხიარულებლად“. სად არის სამართალი, თორემ ეს დენი, მე ვიცი ვისაც უნდა „ამხიარულებდეს“.

სიტყვა გამიგრძელდა და ყველა ობიექტზე დაწვრილდა ბით ვერ შეეჩერებდი. მხოლოდ გავახსენებ, რომ სატრანსფორმატორო კიოსკშიც ჩამოდის წყალი, კარგა მოზრდილი გუბე დგება და ხელსაწყოებს შიშით ვერვინ მიეკარება; სასოფლო-სამეურნეო მანქანების ფარდულის წინ თხრილის გაყვანა „დაგვიწყებიათ“ და წვიმის დროს ფარდულში ნიაღვარი შედის; ტრაქტორების გარაჟს ორმხრივ ჩანდის წვიმა; კომბაინების ფარდული ნახევრადგადაუხურავია და, რა თქმა უნდა, იქაც წვიმა მოთქრიალებს; კანტორის შენობას წყალსაწრეტი მილები არ გაუკეთეს და კედლებს წურწურით ჩამოსდის წვიმის წყალი, ასე რომ შორიდან მთელი შენობა აცრემლებული გეგონება.

მაშ გამოდის, რომ მთლიანად მტს-ისათვის წყალი შეგიყენებიათ. დიდი ხანია, რაც ამას შეეჩვივნენ მტს-ში და აღარავის უკვირს. გასაკვირი ის არის, რომ ამოდენა „წვიმისმომყვანი“ ტრიანდაფილო მაინც მშრალად გამოვიდა...

რალა ბევრი გავაგრძელო, ჩემო გრიგოლ, ისევ ძველ ანდაზას დავუბრუნდები, რომელიც ჩვენს დროში შეიცვალა და ახლა არათუ მთა მთას, ზღვა ზღვას ხვდება და ვის გაუკვირდება ტრაქტორი კაცს შეხვდეს! შენ კი გეგონა, ტრაქტორებს ამ პარკს როგორმე ავუშენებ და მერე სადღა შემხვდებიან, საყვედურის თქმა ძალიანაც რომ უნდოდეთო.

ხედავ, სად გისაყვედურეს!

სხვა მხრივ, კარგად ყოფნასა და მრავალი მტს-ის აშენებას გისურვებ, ჩემო გრიგოლ! ჰო, მართლა, ყური მოვკარი, ი. ტრიანდაფილოს ლაგოდების რაიონის ვარდისუბნის მტს-ელებისთვისაც კარგი „პატივი უცია“, იმათაც წვიმა დასდით და წყალში დგანანო.

დავშთები შენი მშენებლობის სტილით აღფრთოვანებული

ნიანგი

#### ჭარბაპული გუგუბრობა

ქალთა საჭადრაკო ჩემპიონატის ნახევარფინალური შეჯიბრებების შემაჯამებელ სადამოხე, ძერუხისკის სახკლუბში, პირველ ადგილზე გამოსულ ნონა გაფრინდაშვილს არ უშვებდნენ, პატარა ხარო.

ნახ. ე. მაყაშვილისა



დარაჯი—სად მოგყავთ ეს გოგონა? ბავშვები 16 წლამდე არ დაიშვებიან.

**როგორ ვიძოვნი და ვივარაუდებ შვილი**

ჩამოვედი თუ არა თბილისის სადგურზე, ხურჯინი მხარზე გადავიკიდე და ჩემი დის სახლისკენ გავსწიე. ეტყობა, ელოდებოდნენ ჩემს ჩამოსვლას, რადგან ბინის გასაღები მეზობელთან დაეტოვებინათ. გავაღე ოთახი, შევთარიე ხურჯინი და მაშინვე თვალი გამექცა ჩემი ბიჭის პალტოსკენ, რომელიც ობლად ეკიდა კედელზე. ვენაცვალე ბუხუტის, უკვე ხუთი თვეა, აღარ მინაავეს. ალბათ ახლა სამეცადინოთაა წასული ამხანაგებთან, იტანჯება ბიჭი ამ სიცხეში. მაგრამ რა ქნას, ხომ არ შემარცხვენს, ხომ უნდა გადავიდეს მესამე კურსზე. ისე, რაც შემძლია, კი ვეხმარები, გუშინწინ ხუთასი მანეთი გამოვუგზავნე, ალბათ, მიიღო. დღეს კი, აგერ, თეთრი ლენო და დედამისის გაკეთებული ხაჭაპურები ჩამოვუტანე, ჩააბარებს გამოცდებს და დალიოს, შეერგება.

ოთახში გავიარ-გამოვიარე. აგერ, მაგიდაზე ჩემი ბიჭის წიგნი დევს. იქ, საწოლის ქვეშ, ფეხსაცმელები ყრია... რა მემართება, არ ვიცი, ისე მომენატრა, თითქოს პატარა იყოს. ვგრძნობ, თვითონ ენატრება მამა და ამიტომ მეცოდება.

სარკის ჩარჩოში რალაც სურათებია ჩამაგრებული. ვათვალიერებ. აგერ ახალი სურათი გადაულია ბუხუტის, თავის ამხანაგებთან ზის ბაღში... უფრო მომეკიდა მისი ნახვის სურვილი. ნეტა, როდის დაბრუნდება შინ? თვალი ტელეფონისკენ გამიბრბის. მაგრამ ვაი, რომ ბუხუტის არც ერთი ამხანაგის ტელეფონის ნომერი არ მახსოვს. რომელიმეს მაინც ეცოდინებოდა მისი ადგილსამყოფელი.

ბიჭოს, აი, ბედი თუ გინდა, ეს არი. ბუხუტის წიგნს, რომელიც მაგიდაზე დევს, უკანა ყდაზე რალაც ტელეფონის ნომრები აწერია. აბა, ერთი ვცდი და დავრეკავ. რა თქმა უნდა, ეს გულითადი ამხანაგებისა და


ოჩამჩირეს რაიონის სოფელ კოჩარას კოლმეურნეობას დიდი დანახარჯების გამო თითო კვერცხი დაუჯდა 37 მანეთი

ნახ. გ. ლომიძისა

გაზეთებიდან



—სახანძრო რაზმი?... უშველეთ, კოჩარას კოლმეურნეობაში ქათმის კვერცხებს ცეცხლი უკიდა!



ნახ. ა. ბანძელიძისა

**— ეს განცხადება ნეტა მართო ჩვენთვის არის, თუ ლირექტორსაც ეხება?**

უახლოესი ნაცნობების ტელეფონის ნომრები, სხვას რატომ ჩაიწერდა...

ვრეკავ პირველივე ნომერს:

— გისმენთ ფუნიკულორის საბილიარლო...

გველნაკბენივით ჩამოვკიდე ყურმილი და ბოდიში მერე მოვუხადე იმ კაცს. ავკრიფე მეორე ნომერი:

— ჩვენთან, გენაცვალე, „ტერება რაკენი“ გადის, 6-ზე, 8-ზე და 10-ზე... დიახ, — მიპასუხეს გაჯავრებით და ახლა მე ჩამომიკიდეს ყურმილი.

მესამე ნომერზე ვცადე ბედი. არ პასუხობს. დაკავებულია. აი, ნამდვილად ეს იქნება ბუხუტის ამხანაგის ნომერი-მეთქი. ვრეკავ ხელმეორედ. ისევ წყვეტილი ხმებია. უფრო მემატება იმედი. დავრეკე მესამე და...

— წაავო, წაავო, 2:3-ზე წაავო, — დამიყვირა ვილაც კაცმა და სანამ ყურმილს ჩამოკიდებდა, თავისთვის ჩაილაპარაკა — გააწყალეს გული...

გული კი მართლაც გამიწყალდა ამდენი რეკვით, მაგრამ იხტიბარს არ ვიტებ. ვრეკავ შემდეგ ნომერს.

— ბატონო, ბუხუტი ვაშაყმაძე...

— აა, ვაშაყმაძე ბრძანდები? მოიტანე ფული და წაიღე შენი პასპორტი და საათი...

— რომელ საათზე ბრძანებთ, ბატონო...

— 12-მდე როცა გინდა, შემოიარე, ვითომ არ იცი, რომელ საათებში მუშაობს რესტორანი...

ფუი ეშმაკს, ჩამოვკიდე. ისევ დავრეკე:

— თუ შეიძლება მითხარით...

მაგრამ ქალის ნაზმა, მორიდებულმა ხმამ არ დამაცადა:

— ოჰ, თქვენა ხართ? რა ვქნა ახლა, როგორ გაწყენინოთ, მეუღლე ბრძანდებით ხომ?.. რა ვქნა, არ მინდა გაწყენინოთ, მაგრამ გოგო შეგეძინათ...

დალახვროს ეშმაკმა, ეს რა ხათაბალას გადავიკიდე. დახვედე წიგნის წინა ყდას, აწერია: „მელენიოების კურსი“. უფრო დიდი ასოებით კი ჩემს ბიჭს მელნით გამოუყვანია: „ბუხუტი ვაშაყმაძე“.

არა, ეს ნამდვილად ჩემი ბიჭის წიგნია.

ტელეფონის ნომრებიც მისი ხელითაა დაწერილი. რაც იყოს და იყოს-მეთქი და კიდევ ერთი ნომერი ვცადე:

— გისმენთ მილიციის მორიგე ჯანიკა-შვილი! — მომესმა გამოკვეთილი ხმა. მაგრამ ისე ვიყავი გამწარებული, რომ ყურადღება ვეღარ მივაქციე ამ სიტყვების შინაარსს და უნებურად ვიკითხე:

— მანდ ხომ არ არის ბუხუტი?

— რომელი ბუხუტი?

— ვაშაყმაძე, ბატონო, ჩემი შვილი.

— აა, მამა ბრძანდები? სწორედ ახლა შემოიყვანეს...

— ვინ, ბატონო, ვინ შემოიყვანეს?!

— ვინ და თქვენი შვილი, ბუხუტი ვაშაყმაძე.

— სად, ბატონო?

— სად რეკავთ, არ იციოთ? გეტყობათ ერთად სვამდით.

— რაშია საქმე?!

— რაშია და ტროტუარზე ეძინა ვალე-შილს, არ იცოდით, რომ ტროტუარზე ძილი აკრძალულია?

— თუ შეიძლება დამალაპარაკეთ, ძალიან გთხოვთ.

— კეთილი, თუკი შესძლებს...

ცოტა ხნის შემდეგ ტელეფონში რალაც ფრუტუნის მსგავსი მოისმა:

— ვინა ხარ?

— მე ვარ, ბიჭო, ბუხუტი, მე... ამ დილით ჩამოვედი.

— ვაჰ, ოთარი ხარ? ს პრიეზლომ... რა ამბებია გავარაში?

— ბიჭო, ოთარი კი არა...

— იცი რას გეტყვი?... ახლა, გაიგე?... ახლა განყოფილებაში ვზივარ... სალამოს გამოიარე, გაიგე?... მამაჩემი უნდა ჩამოვიდეს სოფლიდან... ხომ მიხვდი, ლენო იქნება, დავლიოთ... გაიგე?... ახლა პაკა, წავედი...

წახვედი, შვილო, მართლა წახვედი ხელიდან, გავიფიქრე ცრემლმორეულმა, და ქუჩაში გავვარდი.



ამ ბოლო დროს სცენარების წერა ბევრმა დაიწყო, რაც დიდად სასიხარულოა. სცენარები რომ მართო იმათ წერონ, ვინც ეს საქმე კარგად იცის და ვისაც ეს შეუძლია, მაშინ ჩვენ შეიძლება არ გვექონოდა ისეთი მაღალმხატვრული ფილმი, როგორც «ეთერის სიმღერა», რომელმაც ახლახან განივარდა ქართულ ეკრანზე.

სცენარი ცოტათი პიესას გავს, ასევე პიესაც ჩამოგავს სცენარს, მართალია «ეთერის სიმღერაზე» ამბობენ არაფერს გავსო, მაგრამ ეს გამოწაკლისია. ძირითადად, როგორც აღვნიშნე ასეა. ამას იმიტომ ვამბობ, რომ მინდა დავამტკიცო, სცენარის დაწერა ადვილია. მართალია სცენარს და კინოს თავისი სპეციფიკა აქვს, კერძოდ ის, რომ კინოს გადაღება კადრებით იწყება, კინოში კადრები სწვევტენ ყველაფერს, ხანდახან კადრებსაც სწვევტენ, მაგრამ ეგ არაფერი, ძირითადად, სცენარი და კინო კადრების საქმეა და ადამიანმა თუ იკადრა, ყველაფერს დაწერს და გადაიღებს.


კინო დღეს ხელოვნების ყველაზე პოპულარული დარგია, კინო ჩვენი საუკუნის სიამაყეა, კინო არყვეს, ამტკრებს, ლეწს მრავალი კინოთეატრის კარებს და მინებს, კინო ზრდის მაქსიმუმამდე მათი ღირებულების, მოღარეებისა და ადმინისტრატორების ავტორიტეტს ორშაბათობით...

როდესაც რეკლამებმა გვახარა «ეთერის სიმღერის» დაბადება, მე და ჩემი მეგობარი ეთერი კინოში გავევარდით. «ყველა ბილეთი გაყიდულია», — გამოკრულია განცხადება.

- არიქა, ღირებურობანი! — მეუბნება ეთერი. ღირებურობი დამალულია, ვეცი ადმინისტრატორს. ადმინისტრატორიც დამალულია. სამაგიეროდ, სპეკულანტი აღმოჩნდა თავის ადგილზე.
- ორი ბილეთი, პირველი რიგი, ოცი მანეთი.
- უკაცრავად, მეორე რიგი მაინც გექნებათ, ცოდვა ვართ, — ვკადრე სპეკულანტს.
- არა.
- რალას ვიზამდი, ვიყიდეთ. შევედით. დაიწყო. თავიდან ყველაფერი ისე მიდის, როგორც კინოში.

აი ფალიაშვილი იკონებს თავის ახალგაზრდობას: მთა, წარმტაცი ბუნება, სალამურის ნარნარი ხმა. ზის მოხუცი და რაციონალურად იყენებს სამუშაო დროს, თლის სალამურებს.

მას უახლოვდება შვილიშვილი ეთერი და სთხოვს გაზარდოს შრომის ნაყოფიერება, რათა ბაზრობისათვის 50 სალამური იყოს მზად. ბაბუა პირობას ღებს, რომ გევმას გადაჭარბებით შეასრულებს. შემდეგ მოფრინდება ფერია და ისევ გაფრინდება. ფალიაშვილი სთხოვს ნურც გაფრინდები, ნურც მოფრინდები, მაგრამ რა ქნას საწყალმა ფერიამ... შემდეგ ბაზრობა. ქორჟოლიანის გამოჩენა



გამოაცოცხლებს დარბაზს, იგივე მოჰყვება ეკრანზე კვანტალიანის გამოჩენას. მერე უამრავი ამაღლებული კადრები. განსაკუთრებული სიძლიერითაა გადაღებული, როდესაც ეთერი და აბესალომი ხვდებიან ერთმანეთს. აქ რეჟისორს გარკვეულ სიძნელეებთან ექნებოდა საქმე, რადგან საქართველოში, მოგეხსენებათ, ტყე არ არის, არც ფიჩხი მოიტუნება, მაგრამ რეჟისორს ოსტატურად გადაუწყვეტია საქმე და ეს ადგილები დეკორაციებში გადაუღია. სხვათა შორის, ხე, თუ არ დააკვირდები, ნამდვილი გეგონება. კარგადაა გაკეთებული ფიჩხიც, ზომიანზე მოჭრილი, დაახლოებით 40 სანტიმეტრი თითო. ეს ფაქტი უემქვლად მისასალმებელია, რადგან ასეთი ფიჩხი საგრძნობლად შეუწყობს ხელს ობლის კვერის დროზე გამოცხობას.

- თანდათან სურათი იპყრობს დარბაზს, ცალკეული კადრები ისეთი ძლიერია, რომ მაყურებელი აქვე უზიარებს ერთმანეთს შთაბეჭდილებას.
- ის მოხუცი ვინაა, კაცო, კონცერტი რომ მიატოვა და მიდის?
- მგონი აკაკი წერეთელია.
- რას მეუბნები, სხვათა შორის, ჩამოგავს, ხომ იცი შენ!
- ისე ძალიან კი გამოცვლილა.
- ის კაცი ვიღანაა, აკაკის რომ ახლავს?
- ვაჟა-ფშაველა!
- ?!..

როდესაც გავიგე, ეს ორი უცნობი ჩვენი დიდი წინაპრები ყოფილან, ცუდად გავხდი. გარეთ დავაპირე გასვლა.

- ძვირფასო ეთერ, გშორდები, — ვეუბნები.
- ნუ მიმატოვებ. — მეუბნება.
- ერთი წუთით გავალ, იქნებ ცოტა მოგჯობინდე.
- კარგი, მეც წამოვალ, მაგრამ რას იტყვიან?
- ვინც ჩვენზე ცუდი რამე თქვას, გული გაუპოს დანამა.

თანდათან რთულდება საქმე. ფალიაშვილს უკვდება ბავშვი. ეს დიდი ტრაგედია მშობლებისთვის და ამიტომ კვაჭაძე ვაჟკაცურად გამოვარდება წვიმაში, მიზარბაცებს, თვალებს აბრიალებს, თანდათან ფეხი ერევა.

- არ ეკადრებოდა ასეთ დროს დათრობა! — ამბობს ვილაყა.
- რას ამბობ, მთვრალი არ არის.
- კვაჭაძე მოწყვეტით ეცმა.
- ახლაც იტყვი, მთვრალი არ არისო?
- ბოდიში, ბატონო.

ამის შემდეგ ზაქარია ავად ხდება, მორჩება, მთაში წავა, გაზრდილ ეთერს ნახავს, ზღაპარს მოისმენს. გაზრდილი ეთერი მოკვდება, დარჩება გაუზრდელი ეთერი, რომელსაც ზრდიან. ცოტა ხნის შემდეგ იწყება სროლა, მენშევიკები გარბიან საქართველოდან, მაყურებლები — კინოდან. ბოლოს ყველაფერი კარგად თავდება: ზაქარია ფალიაშვილი კომპოზიტორი გამოდის, კარგ თანამდებობაზე იწყებს მუშაობას და... კინოც თავდება.

— ვაი სირცხვილო! ეს ეკადრებოდა ჩვენს ზაქარია ფალიაშვილს? ჩვენს სიამაყეს? ეს იყო მისი ცხოვრება და მოღვაწეობა? ვაი რავა საქვეყნოდ მოგვეპრა თავი! ამაზეა ნათქვამი — ვინ გამოგჭრა ყელი და საკუთარმა ძმამაო, — ღელავს ვილაყ ქალი.


— ბოდიში, ქალბატონო, ვინ არის თქვენი ძმა — რეჟისორი თუ სცენარისტი? — ვეკითხები. ქალი კვაჭაძეზე უარესად მიზრიალებს თვალებს და სასწრაფოდ ვერიდები. არიან ადამიანები, რომლებსაც არაფერი არ მოსწონთ ქვეყანაზე. მე ეს ქალი მათ რიცხვს მივაკუთვნე და აჩქარებული ნაბიჯით წამოვედი სახლისაკენ იმ გადაწყვეტილებით, რომ სცენარისტობა დავიწყო. ბოლოს და ბოლოს, რა მოხდა, სცენარის დაწერა და კინოს გადაღება კადრების საქმეა.

### ჯვამი ღუმბავა

ნახ. დონისა



- რას ელოდები აქ, ავქსენტი?
- იპოლიტე დამენიძლავა, ორ წუთს გავძლებ დაყვინთულიო და აგერ საათნახევარია, თავი არ ამოუყვია წყლიდან.
- ყოჩაღ, იპოლიტე!..



უტეკსტო ხუმრობა დონისა

# ქაყან-ქეთი

ნახ. გ. ფირცხალავაძე

უმალესი დაამთავრა  
არ წავიდა რაიონს,  
რუსთაველზე ხვდება მუდამ  
დაისსა და ალიონს.

წელს მეხუთედ ჩაჭრეს ლილი,  
აკვირდა ძალიან,  
გაისადაც უნდა სცადოს, —  
«პრინციპული» ქალია!

ბიჭმა უთხრა შეყვარებულს:  
— გოგოვ, შენ გენაცვალე,  
«ატელიე» ხომ არა ხარ,  
ულმერთოდ რომ მაწვალე?

დღეს თეატრში მიბრძანდება  
შაქროს ქალი ფაცია,  
უნდა ნახოს ყურადღებით...  
ვის რა კაბა აცვია!

ახალ სახლში გადავედი,  
წვიმა მაინც მასველებს, —  
ვიწრო კარი, ვიწრო კიბე.  
პაპა აღარ მასვენებს,  
მეკითხება: — რომ მოგკვდები  
როგორღა გამასვენებთ!

კ. გელათელი



## დასაბუთებული პასუხი

ნახ. ჯ. ლოლუასი



— ამდენს რომ იპარავ, სინდისი აღა-  
რა გაქვს?  
— რა ვქნა, გენაცვალე, რევიზიას ვე-  
ლოდები..

— კრიტიკას ვერ იტანს ჩვენი დირექტორი, ორ სიტყვას ეტყვი და მა-  
შინვე ასანთივით იფეთქებს.  
— თუ ჩვენი ფაბრიკის ასანთს გულისხმობ, საშიში არაფერი უოფილა.



თემა გ. როსუბაშვილისა



ნახ. ზ. გოგოლაძისა

რედაქტორი — ვახტანგ ჰელიძე.



სარედაქციო კოლეგია: აკ. ბელიაშვილი, ო. გიგინეიშვილი,  
ვ. თორღუა, კ. ლორთქიფანიძე, ს. ფაშალიშვილი, გ. ჯაში.

საქ. კვ. ცენტრალური  
კომიტეტის  
გამომცემლობა

თბილისი. სატირიკო-იუმორისტული ჟურნალი «ნიანგი». რედაქციის მისამართი: რუსთაველის პროსპ. № 42. ტელ. 3-10-49.

გამომც. № 12, ხელმოწ. დასაბ. 26/VI-1956 წ. ქალ. ზომა 70 x 108 1/8, 0,5, ნახ. ფურც. 1,37. ფერადი ბეჭდვის სტამბა, მარჯანიშვილის ქ. № 5.  
შეკვ. № 648. უფ. 00289. ტირ. 25.000.

ეროვნული  
ბიბლიოთეკა



ისტორიის გაკვეთილი

ანუ თვალსაჩინო სახელმძღვანელო გენერალ შპეიდელისა და მისი კოლეგებისათვის